

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, generalni inspektor policije Mevludin Halilović, (u daljem tekstu Kupac)

i
„MIBO KOMUNIKACIJE" d.o.o Sarajevo, ul. Tvornička broj 3, koga zastupa direktor Marko Boštjančić (u daljem tekstu: Prodavac)

zaključili su:

UGOVOR O NABAVCI OPREME ZA SISTEM RADIO VEZE

PREDMET UGOVORA I CIJENA

Član 1.

Predmet ugovora je nabavka opreme i programa za sistem radio veze (DMR sistem) - (Server za dispečersku aplikaciju - 1 komad; Dispečerska aplikacija za DMR sistem - 1 komad; Klijentski računar za dispečersku aplikaciju - 9 komada; Dispečerski sto sa pratećim elementima - 1 komplet; Interfejs za fiksnu radio stanicu - 2 komada; Mobilni računar za centar veze - 1 komplet; Radio repetitor digitalni - 1 komplet; Mobilna radio stanica VHF sa ugradnjom - 35 kompleta; Mobilna radio stanica UHF sa ugradnjom - 12 kompleta; Link za povezivanje repetitora - 3 kompleta).

Nabavka je izvršena putem otvorenog postupka, objavljivanjem obavještenja o nabavci broj 16475-1-1-64-3-82/18 od 04.10.2018. godine, na osnovu Odluke o izboru najpovoljnijeg ponuđača broj 02-14-4-6721-1 od 02.11.2018. godine.
Ponuda Prodavca broj PON-1746/18 od 24.10.2018.godine je sastavni dio ovog ugovora.

Ukupna cijena predmetne nabavke sa PDV-om iznosi 291.470,40 KM.
(dvijestinedevadesetjednahiljadačetristotinesedamdeset i 40/100 KM).

GARANCIJA ZA DOBRO IZVRŠENJE UGOVORA

Član 2.

Prodavac se obavezuje da će u roku od deset (10) dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ROK ISPORUKE / INSTALACIJE / MONTAŽE

Član 3.

Rok za isporuku/instalaciju/montažu opreme iz člana 1. ovog ugovora je šezdeset (60) dana od dana stupanja na snagu ovog ugovora.
Sve funkcionalnosti dispečerske aplikacije trebaju biti testirane i potvrđen ispravan rad i konfiguracija opreme.
Sve troškove isporuke do primopredaje, kao i troškove reklamacije snosi Prodavac.

Kašnjenje u realizaciji Ugovora povlači obračun ugovorne kazne u visini 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

NAČIN PLAĆANJA

Član 4.

Plaćanje se vrši u roku od trideset (30) dana od dana ispostavljanja fakture za isporučenu/ instaliranu/montiranu opremu i potvrđene funkcionalnosti dispečerske aplikacije.

GARANTNI ROK

Član 5.

Garantni rok za isporučenu opremu je dvadeset četiri (24) mjeseca od dana isporuke/ instalacije/montaže opreme.

Prodavac se obavezuje da po potrebi Kupca obezbjedi originalne rezervne dijelove i servisiranje opreme koje pokriva garancija u toku trajanja garantnog roka.

Ova obaveza Prodavca se ne odnosi na kvarove koji nastupaju kao posljedica nestručnog rukovanja i više sile.

RJEŠAVANJE SPOROVA

Član 6.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 7.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 8.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke/ugradnje/montaže opreme i potvrde funkcionalnosti dispečerske aplikacije.

PRODAVAC
MIBO KOMUNIKACIJE d.o.o.
SARAJEVO

direktor Marko Bošnjancić


Broj : 312/18

Datum: 18-12-2018

KUPAC
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Mevludin Halilović

Broj : 02-64-4 8587

Datum: 17-12-2018